



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.22. S. Bonifacii Libri & Discipuli.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. ctus epistolam S. Leonis ad Theodorum  
 A. C. 755. Forojuliensem, Tractatum S. Ambrosii de  
 Sancto Spiritu, & plura alia opera com-  
 plectitur. Tertius est Liber Evangelio-  
 rum, quem S. Bonifacii manu scriptum  
 ferunt.

Sup. lib.  
 XXIX. §. 15

## §. XXII.

*S. Bonifacii Libri, & Discipuli.*

Opera quæ nobis de S. Bonifacio super-  
 sunt, de quibus certius constat, esse  
 ejusdem partus, sunt ipsius Epistolæ mag-  
 no numero, sine ordine collectæ, cum  
 pluribus aliis ad ipsum datis, vel a Disci-  
 pulis ejus scriptis. Retuli memorat  
 digniores, ex quibus S. Viri zelus, can-  
 dor, & humilitas elucet. Eidem tri-  
 buuntur Statuta seu Monita Episcopis  
 & Presbyteris data in Articulos triginta  
 sex divisa, unde sequentia notari mere-  
 tur. *Presbyteri sine Sacro Chrismate,  
 oleo benedicto, & Eucharistia non pro-  
 ficiantur, ut ad officium suum semper in-  
 veniantur parati. Sub sigillo custodiant  
 Chrisma & nemini sub prætextu medici-  
 næ vel cujuslibet rei illud dare præsumant.*  
*Qui baptizantur, in lingua patria abren-  
 nuncient, & Fidem confiteantur, ut sciant  
 quid promittant. Si de aliquibus dubium  
 est, utrum sint baptizati, absque ullo scrupu-  
 lo baptizentur; his tamen verbis præ-  
 missis: Non te rebaptizo, sed si nondum es  
 bapti-*

to. 6. Conc.  
 p. 1890.

n. 4.

n. 5.

n. 27.

n. 28.

*baptizatus, ego te baptizo etc.* Hoc primum Sæcul. VIII.  
 est, quod mihi occurrit, exemplum sub A. C. 755.  
 conditione quemquam baptizandi. *Quia*  
*varia necessitate præpedimur, Canonum*  
*Statuta de reconciliandis pœnitentibus ple-*  
*niter observare, curet unusquisque Pres-*  
*byter statim post acceptam confessionem pœ-*  
*nitentium singulos data oratione (\*) recon-*  
*ciliari.* Id est, non expectetur, donec  
 pœnitentia fuerit completa. *Qui pœni-*  
*tentiam in infirmitate petit, & deinde op-*  
*pressus obmutuerit, vel in phrenesim ver-*  
*sus fuerit, non solum per manus imposi-*  
*tionem reconcilietur, sed infundatur ori*  
*ejus Evcharistia.* Ex his verbis videtur  
 sola species vini denotari. (\*\*). In ultimo  
 Articulo Festa totius anni indicantur in  
 hunc modum: *Natalis Domini, cum tri-*  
*bus diebus sequentibus, Circumcisio, Epi-*  
*phania, Purificatio, Pascha cum tribus se-*  
*quentibus diebus, Ascensio, Natalis S. Jo-*  
*annis, Festum SS. Petri & Pauli, Assum-*  
 ptio

R 3

(\*) Hæc Oratio data quid aliud fuit, nisi  
 absolutio a peccatis? Inde contra Protestantes  
 tam usus confitendi, quam reconciliandi pecca-  
 tores probatur.

(\*) Vel potius minima Evcharistiæ particulâ  
 aquæ vel vino mixta, quo facilius eam moribun-  
 dus sumeret. Nam nullibi legimus, S. Evchari-  
 stiam, sub specie Sanguinis tantum, Fidelibus  
 fuisse collatam.

Sæcul. VIII. *ptio S. Virginis* (\*), *Nativitas, & Passio*  
 A. C. 755. *S. Andreae.* De Pentecoste prius aliqua  
 mentio facta.

S. Bonifacius jure merito Germaniæ  
 Apostolus, & Disciplinæ in Francia Re-  
 staurator habetur, cujus Monasterium  
 Fuldense illo & sequente sæculo celeberrima  
 totius Ecclesiæ Occidentalis schola  
 evasit. Inter ejusdem Discipulos præcipui  
 numerantur S. Burchardus Episcopus  
 Herbipolensis, ante quadriennium vita  
 functus, nempe anno 751. secunda Fe-  
 bruarii, quamvis Ecclesia decima quarta  
 14. Octobr. Octobr. ejusdem memoriam colat. Is  
 Successorem in Sede Herbipolensi habuit  
 Megingaldum, alterum S. Bonifacii Disci-  
 pulum. His item accensentur S. Lullus  
 Archiepiscopus Moguntinus, S. Willibal-  
 dus Episcopus Eichstädtensis, qui Magistri  
 sui vitam scripsit, S. Gregorius Abbas  
 qui etsi Episcopus non esset, mortuo S.  
 Eobano Diocesim Ultrajectensem rexit,  
 S. Sturmus Abbas Fuldensis, S. Wine-  
 baldus S. Willibaldi Frater, & S. Wal-  
 purga Abbatissa.

§. XXIII.

(\*) Ecce! primo hic occurrit vox *Assumptio-  
 nis* Beatissimæ Virginis. Cum ergo Fideles in  
 his Sæculis eodem modo locuti sint ac hodie,  
 signum est, quod etiam idem de Assumptione  
 ejusdem Virginis cum corpore & anima credi-  
 derint.